



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

Capvt XL. Prouocationes ad diuinu[m] Tribunal factas, non facilè imitandas esse.

urn:nbn:de:hbz:466:1-45653

C A P V T X L.

Prouocationes ad diuinum tribunal factas, non facile
imitandas esse.

Dolixè demonstrauit, multos pios, sanctos, innocentes homines, à tyrannis, iniustè accusatos, damnatos, necatos, ad diuinum tribunal, iudices suos, non sine prodigioso euentu miraculóque, euocauisse. Demonstrauit hæc, vt Deum pauperum defensorem, violentorum iudicem, Sanctorum exauditorem esse ostenderem, atque vt, ex his iustissimis Dei iudicijs, metum frānumque iniijcerem ijs, qui, quidquid possunt, audent. Haud ambigo, nonnulos fore, qui documenta à me aliò destinata, aliò deriuent, &c., si tot exempla legerint Sanctorum, ea, ad imitacionem proposita, esse arbitrentur. Itaque cum plausu ista excipient, & sibi summopere gratulabuntur, de reperto confirmatōque modo ac ratione se vindicandi. Quare iam nulla vetula rixabitur.; nullus ciuiis litigabit, nullus vel seruus, vel puer vapulabit, quin illico ad diuinum tribunal appelllet. *Magna otia cali*, si illico fieri debet, quod petunt impatientes.

I.

Meritò istis dicitur: *Nescitis, quid petatis: & illud: Petitis,* II.
& non accipitis: eo quod male petatis: ut in concupiscentijs vestris insu- Matt. 20. 22.
matis. Nam in primis, non omnia, quæ diuino instinctu Sancti fecerunt, sunt imitanda. Deinde, quis sibi sanctitatem polliceatur? Iac. 4. 3.
quis non falli potest, cum se se indicat innocentem? *Nemo, in sua causa, bonus index.* Amor sui vnumquemque excæcat, vt non videat rectum quod est; recteque se putet fecisse, quando maximè deflexit ab æquitate. *Quin & ira iudicium corrumpit, vt iniuriam maximam, iustum esse vindictam arbitretur.* Turbatus est à furo. Psal. 6. 7.
re oculus meu, ait ille. In Hebræo, pro turbatus, est, caligauit. Vbi quidem sensus est, oculus meus, propter furorem & indignationem meam, contra turpitudinem peccati, à fletu nimio, quasi corosus turbatus est, & caligauit: potest tamen etiam quiuis furiosus id dicere. Non finit enim furor hominem cernere verum. *Nam S. Chrys. ho-* mil. 62. ad j
non potest iratus in seipso manere, ait D. Chrysostomus, sicut in flu- itus surgens mare. Ita commiscetur omnia. & tanquam fons purus in pop.
Ddd 3 missio

mifso turbatur cæno. Quod veteres tragœdi, in Aiace flagellifero ostenderunt. Ajax ehim Telamonius, ab Vlyffe, in iudicio, victus, præ ira, insaniens pecora occidit, credens se Vlyfsem, cum socijs, occidere. Itaq; multi iracundia odiōque correpti, & velut cœstro perciti, bestias pro hominibus, hominae, pro bestijs aspiciunt; & non raro innocentes iudicant esse nocentes. Cum ergo rarissimè, qui læsi sunt, non fiant iracundi, facile accidere potest, vt alios reos atque iniuriosos existiment, quando ipsi rei sunt atque iniuriosi. Quām malè autem isti sibi consulerent, si rei ipsi innoxios ad diuinum tribunal, vbi omnia in aperto sunt, trahere vellent, accusandi non accusaturi? Neque enim existimare debent, Dei iudicia, esse sicut sæpe sunt iudicia hominum in expertorum, auct. affectibus ditorum, apud quos, prior tempore, prior iure esse consuevit; & vicisse est, præuenisse, quia fauor est primò occupantis. Non sic iudicat Deus, cuius sententia nunquam damnat innocentem, nunquam absoluit reum præuenientem.

III.

Tametsi ergo ea, de qua tot exempla enumerauimus, Sanctorum ad diuinum tribunal appellatio licita, diuinisque legibus contraria non fuerit: tametsi etiam constet, per eiusmodi exempla, diuinam mortalibus iustitiam innotuisse, Principesque multos didicisse, in subditorum sanguinem non esse desæuiendum, neque proculcanda iura: tametsi etiam mentes recti conscientiae atque innocentia roborentur, per talia exempla, vt diuinæ iustitiae fiducianiti assuescant: tametsi etiam prohibita non sit eiusmodi prouocatio, quæ eodem animo, ijsdémque de cauiss suscipitur, quibus rex Dauid, Pontifex Zacharias, beatæ illæ animæ; Paulus Apostolus, Episcopus Benno, aliique eam Sancti usurpauerunt: quis tamen sibi polliceri potest, non solùm eandem, cùm istis sanctitatem, verùm etiam eandem rectitudinem intentionis? Quām citò se insinuat cupiditas vltionis? quām facile subrepit odium, aut alijs immoderatus affectus, quo si prouocatio inquietur, non aduersarium, sed ipsum damnat prouocantem.

IV.

Non loquor hīc de illis, qui sciunt, se alios iniustè, ad vallem Iosaphat, vocare, & tamen vel malitia agitati, vel, vt innocentes videantur, citant; quos constat, citando mortaliter delinquare; quia & Deum pro iniquitatis fautore, aut certè ludibrio habent; & proximo grauiter nocent, quem, tanquam innocentia oppressorem, suggillant, ac iniecta vicinæ mortis imaginæ.

tionem.

tione, terrent. Non loquor, inquam, de ipsis tam manifestè delinquentibus: de illis loquor, qui se ipsos innocentes, aduersarios iniuriosos, nec iam, in rebus minimis, aut puerilibus, sed in maximis iniuriosos arbitrantur. His ipsis, aio, admodum esse periculose, si Sanctorum illas citationes velint imitari; cum ipsorum nec comperta sit sanctitas; nec certa innocentia; nec iudicium ab errandi periculo liberum; nec sine cæco sui amore affectus; quo tenebras offundente, non possunt videre veritatem; sed vel latentem gloriam, vel tacitam vindictam sectantur. Habent illi multa alia innocentiae suæ præsidia; habent amicos; habent magistratus; habent patrocinium veritatis, quæ semper tandem erumpit in lucem: &c., si hæc desint, habent asylum orationis; habent auxilia Diuorum; habent, uno verbo, Deum; qui ait: *Mihi vindicta, & ego retribuam.* Et iterum: *Quia iudicabit Dominus populum suum.* Illi igitur relinquendum est officium iudicandi, diés-Deut. 32.35 que illa expectanda, non præscribenda; formidanda, non desperanda.

Qua de causa Amos eiusmodi appellationes interdicere
videtur, cum ait: *Vnde desiderantibus diem Domini: ad quid eam vobis?* Amos. 5. 18.
dies Domini ista, tenebrae & non lux. Dies Domini, consueta scripturæ phrasí, diem iudicij seu vniuersalis & extremi, seu singulare, quod in morte vniuersi peragitur, designat. Eam itaque diem, in vindictam inimicorum desiderantibus, ut intonat Prophetæ, qui & addit: *dies Domini ista tenebrae, & non lux;* quia obsecrurus, minimèque clarum est, quando futura sit; qua enim hora non putabitur *filius hominis veniet;* qui non voluit, esse nostrum, nosse tempora & momenta, que Pater posuit in sua potestate. Te-Acto. 1.8.
merarium igitur est, sine peculiari instinctu, aut graui causa, diem certum velle nosse, &c., quod plus est, alteri velle dicere, ac designare, quo sit iudicandus. In Iudicis, non in actoris arbitrio tempus iudicandi est relinquendum. Quod se fecisse Ieremias gloriatur illis verbis: *Ecce, ipsi dicunt ad me: Vbi est verbum* Terem. 17. *Domini? veniat.* Et ego non sum turbatus, te pastorem sequens: & dicitur: *hominis non desideravi, tu scis.* Quod egressum est de labiis meis, reatum in conspectu tuo fuit. Gaudebat scilicet in sinu suo, & gratulabatur conscientiæ suæ Ieremias, iniquissimo regis Sedeciae odio vinculis & morti addictus, quod tyranno diem, apud diuinum-tribu-

V.

400 Cap. XL. Non temerè homines ad diuinū tribunal citandos.
tribunal, non dixerit, sed eum libero summi Iudicis arbitrio reli-
querit iudicandum.

V I.

Ad eandem patientiam nos dirigunt doctrina & exempla
Christi ac Sanctorum. Doctrina enim eius non est, vt oremus,
Matth. 6. 12. Voca ad iudicium, & plecte inimicos nostros : sed: *Dimitte nobis debita nostra, sicut & nos dimittimus debitoribus nostris.* Quo modo dimit-
tit, qui aduersarium ad iudicem mittit? Non est hoc dare veniam,
sed exigere poenam. Aliud præceptum scripsit nobis Magister
Matth. 5. 44. noster: *Diligite inimicos vestros*, inquit, *benefacite his, qui oderunt vos:* & orate pro persequentibus & calumniantibus vos. Citare illos
ad iudicium, non est, pro illis, sed contra illos orare; non illos
diligere; non benefacere, sed velle mori, sed velle illos iudicari &
damnari, sed velle illis iustitiam diuinam immittere, non miseri-
cordiam impetrare. Quod etiam Apostolus gentium vetuit illis
1. Thessal. 5. verbis: *Videte, ne quis malum pro malo alicui reddat: sed semper quod bonum est, sectamini in inuicem, & in omnes.* Contrarium prorsus
15. faciunt, qui iustissimam talionis legem existimantes, non bonum
pro malo, sed malum pro malo, dentem pro dente, mortem pro
morte reddere, Paulo reclamante, petunt, formidando Dei de-
creto, inimicos suos è medio tolli, atque ad Tartareos ignes con-
demnari.

VII.

Si quis exempla vult imitari habet sanè exempla, atque
in primis ipsius Dei. Quamobrem Christus, cum dixisset: *orate*
Matth. 5. 44. *pro persequentibus & calumniantibus vos, statim exemplum subiungens*
dixit: ut sis filii Patris vestri qui in celis est: qui solem suum oriri fa-
cit super bonos & malos: & pluit super iustos & iniustos. Sedet, in cæ-
lis, Deus, & audit quotidie homines sibi maledicentes, impiosque
dirissimè conuiciantes ac blasphemantes; & noua semper scele-
ra excogitantes, quantumque in ipsis est, giganteo ausu, diuinam
maiestatem è cælo deripere conantes: audit ista, & videt, & pa-
titur. Quid dico, patitur? cum habeat potestatem mittere in ge-
hennam, &, missis è nube fulminibus, tales exterminare; sustinet
illos, *solem suum oriri facit illis, pluuiam mittit, vt terra, ad eos*
alendos irrigetur: nec hoc tantum facit, sed etiam mittit illis an-
gelos suos, qui eos in viam, atque ad æternæ gloriæ semitam redu-
S. Chrysost. *cat. Pulcherrimè aureum illud os: At, inquies, calumniam pas-*
hom. 78. *sus sum, & ferre iubes aquanimitter, & quo modo potero? Facillimè pro-*
ficio, si tantum in calum respicias. Cogita quod illic super Cherubim se-
denti

Cap. XL. Non temerè homines ad diuinum tribunal citandos. 402

denti factus es similis : nam & ille contumelij affectus fuit, & tolerauit,
& opprobria pertulit ; nec ultius est percussus , & non insurrexit , sed è
contra reddidit beneficia his , qui talia perpetrauerant , nosq; iussit suos
imitatores esse . Calum deniq; respice , & postea quare Deus suscepiturum
promisit , si generosè feras . Christi igitur nobis præluxit exemplum ,
cui, cum vita, per summam iniuriam, infami morte, eriperetur, ta-
men ad alterius vitæ vadimonium neque Iudæos, neque Pilatum,
neque carnifices, neque ullum alium euocauit, sed, *cum maledice-* 1. Petr. 2. 23.
retur, non maledicebat : cum pateretur, non comminabatur : tradebat
autem iudicanti se iniuste . Latroni quoque paulo priùs conuiciato,
non dixit : Hodie mecum eris in Iudicio, sed, Hodie mecum eris in Pa- Luc. 23. 43.
radiso . Pro illis autem, qui, non contenti, eum flagris lacerasse, &
clavis in crucem adegisse, insuper etiam ei illudebant, auream il-
lam orationem fudit: Pater, dimitte illis, non enim sciunt, quid faciunt. Luc. 23. 34.

Hanc Magistri sui heroicam patientiam ac fortitudinem VIII.
imitatus est aliorum quoque Sanctorum ingens numerus. Atque
primus quidem Stephanus, qui inter lapidantes, pro lapidantibus
orans dixit : *Domine, ne statuas illis hoc peccatum . Deinde & Pau-* Act. 7. 59.
lus, qui de se scribit : Optabam ego ipse anathema esse à Christo, pro Rom. 9. 3.
fratribus meis, qui in vitam ipsius obstinatissimè coniurauerant.
His è diametro aduersantur, qui, mortalis vitæ cauſa, Deum iu-
dicem appellantes , illaudabili verborum metamorphosi exclamant : *Ne ignosce, Pater, sed indica, vindica ; statuas illis hoc pecca-*
tum. Non sim ego anathema pro fratribus meis, sed illi pro me sint ana-
thema . Neque multi martyres huius appellationis ius usurpare
solebant, licet innocentissimè, crudelissimèq; occiderentur. Quin
potiùs , post acceptam iniquissimæ mortis sententiam solennes
eorum voces erant, ut exclamarent: DEO GRATIAS, quod di-
fertè testatur Iustinus ; & perspicuum est ex vita S. Cypriani , at-
que antiquissimo Tertulliano attestante, *Christianos magis damna-*
tos, quam absolutos gaudere . Quia, in veteri quoque testamento, Iustin. Apo-
Ioseph in cisternam, Ieremias in cœni, Daniel in leonum lacum ,
tres pueri in fornacem inflammatissimam missi, cum vtiq; de vita
eorum innocentissima eripienda ageretur, tamen non leguntur ,
vel fratres, vel tyrannos, vel carnifices, ad diuinū tribunal, cito us-
se ; & tamen iustus iudex Iosepho fratres subiecit, Ieremiam è cæ-
no eduxit ; Danielis aduersarios leonibus præbuit deuorandos ;
trium puerorum lictores, flama è fornace in illos excussa, vstulauit.

Eee

Quid

Iustin. Apo-
log. 1. Ter-
tullian. ad
Scapulam.

IX.

Senec. ad
Martiam c.
6.

Quid si multos idcirco ad extrema adducit malus sathan,
vt ad impatientiam atque vindictam adducat? vicit, si impati-
entes fecit. deiecit, si in vindictam incendit. habet, quod vult, si tu-
iram tuam amplius in potestate non habes. At turpis est nauigij re-
ctor, inquit Seneca, cui gubernacula fluctus eripuit; qui fluctuantia
vela deseruit, & permisit tempestate nauem: at ille vel in naufragio lan-
dandus, quem obravit mare, clavum tenentem, & obnixum. Clavis
est recta ratio, quae impatientis animi impetum & fluctus repre-
me debet. Non reprimit autem, si, iniuriarum ac mortis impati-
tiā, extrellum iudicij diem praevenire gestiens, eousque præstolari
detrectat, donec vltro Deus, de iniurijs eius vindictam sumat;
quasi scilicet æquo tardior esset ad iudicandum. Hi, si sinum excu-
tere penitus vellent, viderent profecto, non laudabili caussa, non
diuini honoris aut iustitiae zelo, se alios iubere, in ius ambularē;
sed priuatae vindictæ cupiditate occupatos, atque in præceps actos,
præreptam sibi, in hac vita, iniuriarum vltionem, in alterius vitæ
tribunali querere, eamque, nimis incenso animo, affectare, eaque
propter etiam intemperanter flagitare. Non est res exigui momen-
ti, eiusmodi actionem instituere. Qui alterum vadatur, ac in ius
diuinum vocat, mortem illius desiderat, sine qua se sistere non po-
test. At mortem alterius, priuata authoritate, desiderare, non mi-
nus illicitum est, atque procurare. Videant igitur, quid agant,
qui, sine Numinis iussu, aut instinctu, sine authoritate debita, pro-
prio iudicio, affectu, odio, fortasse ipsi nocentiores, alterum, à quo
se læsos esse somniant, aut putant, vita optant, immo postulant à
Deo spoliari. Neque digni sunt tales rogatores, vt exaudiantur;
immo digni sunt, vt ipsi in iudicium eant, quod alijs volunt præ-
parare.

X.
Psal. 38. 8.

Sapientissimè faciunt, qui in patientia sua animas suas
possidere docti, in omni casu, & tribulatione, dicunt: *Et nunc que
est expectatio mea? nonne Dominus?* Meum est remittere iniurias,
Domini autem & remittentem, & inferentem iudicare; à quo,
Hebr. 10. 27 etiam me vindictam non petente, parata est, *terribilis quadam ex-
pectatio iudicij, & ignis emulatio, quæ consumtura est aduersarios.* Hanc
etsi petere non debemus, possunt tamen meritò formidare, qui,
cum omnia audeant, se, quia grauissimè violatos tacere vident,
illlico securos arbitrantur. Tacuit & Abel, neque ad diuinum tri-
bunal fratrem citavit, cum ab eo crudelissimè innocens trucidare.

tur;

Cap. XL. Non temerè homines ad diuinum tribunal citandos. 403

tur; non tacuit tamen sanguis eius, qui ad Deum de terra clama- Gen. 4. 10.
uit. Neque enim verba tantum, sed etiam facta ad Deum clamant;
longeque potentiū clamant, ac vindictam postulant. Neque du-
biū est, à viuis & mortuis viuos oppressores eorum, ante diui-
num tribunal etiam sine voce, accusari; neque raro etiam, ad
caussam, coram supremo iudice, disceptandam citari, iniurijs ipsis
exigentibus vindictam.

Cui rei confirmandæ luculentus est testis D. Gregorius Turonensis, qui hanc historiam recitat. Auernensis Episcopus, cui nomen Sidonius Apollinaris, æquè sanctus ac eruditus, moribus & artibus præstans, ut coronas in cælo multiplicaret, virtutis mercedem, in terris, accepit tribulationes. Necesse enim est, ut virtutem oderint vitiorum amatores; quam ne cogantur amplecti, impugnant atque repellunt. Quam ob caussam, Sidonius quoque duos nactus est sacerdotes disciplina indigentes, quorum quotidianus sermo erat: *Circumueniamus iustum, quoniam inutilis est nobis, & contrarius est operibus nostris, & improperat nobis peccata legis, & diffamat in nos peccata disciplina nostræ. Quid non efficiunt duo conspiratores? immo quid Orcus, per illos, non efficit? Duo erant, sed tribus Furijs agitabantur. Nam & moniti vindictam spirabant; & castigationem metuentes conabantur amoliri correctorem; & denique ambitione inflammati, locum sperabant, si sedem vacuam fecissent. Hinc conuenticula, hinc conciliabula, hinc denique vis aperta, qua virum innocentissimum & magnificatum dignissimum, omni sacra potestate priuatum ad ultima redegerunt. Si quidem vix tantum cibi præbuerunt afflito, ut vitam sustentare posset, & vixisse mallet, quam vivere.*

Sidonius, tamen, et si graibus malis irritatus, & caussæ equitate fultus, iniuriam laudabilius tolerari, quam propulsari ratus, quasi non sentiret, aut, tanquam si meruisset, ita patienter omnia tulit. Itaque non expostulare, non implorare amicos, non circumspicere patronos, non certare foro, non recuperare amisam dignitatem voluit; sed omnia Deo commisit iudicisque diuinis, sine quibus Mundus non gubernatur. Felix, quisquis hoc facere nouit; nec enim magnam duntaxat is animo suo conciliat tranquillitatem; sed etiam, quia se ipsum non vindicat, Deum vindicem parat. Quod & Sidonio euenit. Conuenerat inter improbos duos sacerdotes, ut die altera, Episcopum è templo extra-

Ecc 2. Etum

XI.
S.Greg. Tu-
ron 1.2. hist.
Franc. c. 23.
& Baronius
An. 486.

Sap. 2.12.

XII.

712

494 Cap. XL. Non temerè homines addiuinum tribunal citandos.

ctum eliminarent; idque unus eorum audacior, ac sine fronte homo palam ei minitari non est veritus. Et fecisset, ni diuinam manus praeuenisset insanientem. Tota nocte futuram sequentis lucis scenam secum meditatus, vix expectare potuit solem orientem. Neque expectauit; nam, ante diluculum, securus atque alias assueverat, è plumis exiliens ad facinus se aptabat. Verum priusquam domo exiret, sellas ante petuit *'Patroclianas'*, & comitabatur euntem puer cum lucerna. Ibi dum moratur diutiis, mittit coniuratus alter, facinoris tam iniqui socius, & significari iubet, tempus esse exequendi, cuius heri consilium cepissent: nihil obstatuli apparere, properaret modò. Ventum est ad puerum iam diu, cum crebro, usque ad impatientiam & Diras, praestolantem. Is ergo herum monitus (cum pulsanti nihil responsum intus esset) ianuam tandem reserat, & reperit miserum vnam & aluum & vitam exonerasse. Tali loco, mori dignus erat, qui Episcopum loco mouit. Episcopus igitur, Deo causam ipsius agente, in officium repositus est.

XIII. Non diu tamen postea vehementius ægrotans iussit se in templum deportari. Ibi modestus eum populus interrogavit, quisnam esset successurus, in officio pastoris? cui ille, *'Ecce, inquit, frater meus Aprunculus viuit, & hic pastoris munus occupabit.'* Hoc responsum, quia non capiebant, mente iam alienata, prolatum existimabant, sed paulo post, vaticinium fuisse, intellexerunt. Quippe Sidonio è viuis subducto; alter ille sacerdos persecutor, nihil miserabiliter exitu commilitonis superterritus, velut optatissima occasione oblata, cui diu fuerat insidiatus, gauisus, triumphum egit, tiaramque capiti suo rapere est conatus. Nec quidquam certius futurum existimauit, quam ut ipse succederet. Enim uero id iam ei familiares gratulabantur; id de eo, in vulgo spargebant; id ipse quoque (tam stolida est superborum crudelitas) amicioribus suis dictabat, neque iam pro arcano habebat; sed ausus est etiam per quam glorianter iactare. Nunc demum, diuino iudicio, patere, cuius causa iustior exiterit, suane, an Sidonij; aut cui, à Deo, pedum Pontificale sit destinatum. Denique ita egit, ac si Antistes iam esset, nec quidquam omisit, quod eam in tē illi posset seruire.

XIV. Quare proximo quoque, à Sidonij morte, Dominico die, dapes magnificas apparauit, ad quas ciuitatis primates adhibuit. O cæcas hominum mentes! & futurorum improuidas! quam sape

sæpe exitio proximi exultant, & funus suum ipse ducunt ouantes? Designatum Præsulem ad mensam accubuisse putatis? Balthasar accubuit, appensis in statera, & inuentus minus habens. Sedebat Dan. 5. 27. suo quisque, ordine; stabant in ferculis alites, & cibi non ad patrum modò, sed etiam ad oculum facti; iam gliscebant colloquia; iam sitis vinum postulabat. Ante omnes, ut par erat, futuro Episcopo pocillator scyphum præbuit; quem ille manu sustinens meditabatur, in cuius sanitatem esset propinandus. Nunquam mors malis opportuna venit; sed, inter coniuia & epulas, longè importunissima. Itaq; non iam mitræ, sed Libitinæ candidatus, dum poculum tollit, dum ei nomen imponit, sentit repente, quām verè dictum sit, multa inter calicem & suprema labra cadere: nam & ille ipse cecidit, & priùs è Letheo, quām suo, poculo bibt. Siquidem iam iam vinum probaturus, subita formidine, cohorruit, expalluit, & vitro de manu cadente, funus fuit. Noluit postea sic propinanti quisquam respondere. Hæc omnia, ita vti contigerunt, pridie pocillatori per somnium obiecta narrat Gregorius Turonensis. Quis non videat iniuriæ patientissimi Sidonij vindicem fuisse Deum? ad quem, Sidonio tacente, vel iniuria Sidonij satis clarè appellauit; quæ iniuriosorum vnum quidem præmisit, alterum verò, post Præsulis mortem, ad iudicium traxit; ut manifestum fieret, Deum ante, & post obitum, suorum iniurias vlcisci.

Sed Sidonius tacens vltorem Deum inuenit, innumeri, qui in vita quidem tacent, post mortem demum loquuntur, & accusant eos, à quibus indignissimè, dum viuerent, habiti fuerunt. Dabo, ex eodem scriptore historiam, quæ meritò faciat violentis illis magnatibus ambas aures tintinare. Nantinus Engolismensis Gregor. Tu. ton. I. 1. hist. Franc. c. 36. comes homo factiosus, auditus potentia honoris, diuitiarum, certè vitia sua callidè occultans, priùs sacerdotem, postea Pontificem Burdigensem, Heraclium nomine, varijs modis aggressus, grauibus iniurijs vexauit. Nec potuit odium multorum malorum illatione satiari; sed flammæ instar semper auctum, semper maiora tentauit. Aliquot villas ac prædia Maracharius auunculus eius, templis, ac sacerdotibus testamento legārat. Eas villas ac prædia Nantinus, per vim occupauit. Ut iniuriam tegeret, prætextum inuenit. Vulgabat enim illi Ecclesiæ, nullo iure, deberi bona hæreditaria, cuius Clerici testamentarium interemissa. Cui iniuritiae non potest color induci? At non passus est, se hoc fuso fal-

Ecc 3

li He-

li Heraclius Igitur, comperta rei iniquitate, Comitem anathemate fulminatum, ex Ecclesia excesse iussit. Comes, qui pius videri cupiebat, vulpino ingenio, obedientiam simulauit. Nam sacerdotum concilio, apud Sanctonas, habito, se stitit, subiecit, spondonit omnia se, quæ vi interuertisset, redditurum: dummodo iterum templum intrare, sacrisque officijs interesse permitteretur. Voti compos, ad ingenium rediit, ostenditque, qua verborum ambiguitate concilium sacrum decepisset. Quasdam enim domos restituit, sed usq; ad puluisculum exinanitas ac spoliatas. Quod ubi intellexit Episcopus, denuò anathemate ferendum censuit, atque sacris omnibus rebus interdicendum. Ita constantia, cum perfidia certauit; cuius constantiæ præmium ut acciperet Episcopus, paulo post beata morte defunctus est. Præsule mortuo, quasi amoto pæstore, lupus iterū se ouibus Christi aggregauit. Ut enim infamiam declinaret Comes, aditum denuò ad Ecclesiam impetravit, sed nō, quo decebat modo; quia non nudis pedibus, ut pœnitens, sed manibus argenteis rediuit. Humanis ista oculis, non diuinis, satisfaciunt; coram quibus nulla potest hypocrisis occultari. Defunctus erat iam, ante aliquot menses, Heraclius Antistes, neque sanè Nantinum ad Dei tribunal citauerat; poterat ergo sibi Comes persuadere, omnia iam sua, apud illum, facinora esse oblitterata. Sed si *unus passer non est in obliuione, apud Deum*, quo pacto posset tam sancti Præsulis obliuisci? Ergo igitur vix pauci menses, à morte Heraclij erant, cum Nantinus flagrantissima febri repente incensus, cœpit, more insanientis, vociferari: *Heu, heu, ab Heraclio Antistite exuror; ab illo crucior, ab illo ad iudicium vocor; Agnosco facinus, recordor iniuriarum, quibus cum oneraui. In his ipsis clamoribus, febrili incendio consumtus, nefastum spiritum, ad diuinum tribunal (vitam non etiam ad Gehennæ incendium!)* expuit.

XVI.

Videtis h̄ic, ô Christiani, nulla opus esse vobis, in hac vita, ad iniurias vindicandas, citatione? H̄ic nunc patientiæ tempus est; in altera vita, erit tempus vindictæ. Cum diuino tribunali astabitis, sine peccato, & vlo periculo, poteritis persecutores vestros, iridem ad illud, in ius, vocare. Nunc, vobis tacentibus, caussam vestram agit Deus; si ume agere sinitis, & non antevexit. Verè S. Gregorius scripsit: *Delinquenti Dominus nequam parcit; quia delictum, sine ultione, non deserit. Aut enim ipse homo in*

S.Greg.I.9.

Moral. c.27

Cap. XL. Non temerè homines addiuinum tribunal citandos. 407

*mo in se pœnitens punit, aut hoc Deus cum homine vindicans percutit.
Nequaquam igitur peccato parcitur, quia nullatenus sine vindicta laxatur.* Deuter. 32.
Deo itaque hanc curam relinquite, quia sanguinem seruorum suorum vlciscetur: & vindictam retribuet in hostes eorum. 43.

Vos autem, ô viri Illustres, & Illustrissimi, nolite vobis promittere impunitatem, si ad vallem Iosaphat vos non auditis euocari ab ijs, quos tyrannice premitis; quorum sanguinem exsugitis; quorum agros, fundos, piscinas, silvas, pecora inuaditis; quorum pecunias detinetis, equos abducitis, villas incenditis, filios & famulos occiditis; quorum totas regiones populationi, vastationi, in compendio dicam, bello diurno, & affectatè protracto exponitis. Esto nemo viuens, nemo moriens vos ad Dei tribunal citet: citabunt tamen mortui, tantarum utique iniuriarum non immemores futuri; citabunt ipsa facinora vestra, ad cælum, contra vos, clamantia; citabit ipsa Numinis iustitia, quæ multos damnat, quos ne nemo hominum accusat. Iam caussæ latent, scieris aliquando, cur iste in iuuentute, ille in viridi ætate, alias tam validis adhuc viribus; & unus quidem repentino morbo, aliis repentino casu, tertius veneno, quartus in fluvio perierit. Aspergit Deus iniurias pauperum, & ad iudicium suum illos, è vita, euocauit. Hoc est, quod Spiritus S. monet: *Noli attendere ad posse sessiones iniquas, & ne dixeris: Est mihi sufficiens vita: nihil enim prodierit in tempore vindictæ & obdurationis. Ne sequaris in fortitudine tua concupiscentiam cordis tui: & ne dixeris: Quomodo potui? aut quis me subiicit propter facta mea? Deus enim vindicans vindicabit. Ne dixeris: Peccavi, & quid mihi accidit triste? Altissimus est enim patiens redditor.* Atque ex his disputatis satis constat, posse innocentiam, citationis sorte, defendi, si homines citatione rectè, & sine debito, vt tantur; non autem facile huc veniendum; ne abutantur. Siquidem etiam corpori remedia periculosa nunquam, aut non, nisi summa cautione, adhibentur.

XVII.

CAP. XLI.